



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De his qui velatas& Deo consecratas in coniugium duxerint. xxxviii.

urn:nbn:de:hbz:466:1-10722

D. BURCHARDI. EPIS. VVORMAC.

Apostolum, si se continere non poterat, nullatenus nubere vetabatur, sic secum habita deliberatione, promissam fidem pudicitiae Deo debet custodire. Nos autem, auctoritate patrum suffulti, in hoc sacro conuētu sancimus, & liberè iudicamus, si sponte velamen, quamuis non cōsecratum, sibi imposuerit, & in Ecclesia inter velatas oblationes Deo obtulerit, velit, nolit, sanctimoniae habitum vltimè habere debet, licet sacramento confirmare velit, eo tenore & ratione velamen sibi imposuisse, vt iterum possit deponere.

De nobilibus fœminis quæ postquam velatæ fuerint, domi in deliciis residere delectantur.

Caput XXXVII.

Ex cōcil. apud Aquisgrã Ludouico pio præsentate. cap. 6.

DE nobilibus fœminis quæ amissis viris repente relinquantur, & in propriis domibus diuersas necessitates opponentes residere delectantur, de quibus in aliis conuentibus coram serenitate vestra iam dudum vtiliter & definitum est, maiori solertique studio admonendas, & instruendas ab episcopis statuimus, quatenus suæ salutem consulant, ne sic indiscretè viuendo, & propria noxiarum libertate vtendo, & per diuersa vagando, periculum animarum suarum incurrant, semper illud apostolicum amantissimos oculos habentes, quo dicitur, Vidua quæ in deliciis est, viuens mortua est.

De his qui velatas & Deo consecratas in coniugium duxerint. Cap. XXXVIII.

Ex cōcil. Aureliã. cap. 23.

SI quis sacro velamine consecratam & in coniugium duxerit, & post dicatum Deo propositum incestuosa & sacrilegaque miscuerit, vt in cōstitutis Gelasij papae cap. XX. legitur, protinus aequū est à sacra cōmunione detrudi, & nisi per publicam probatamq; pœnitentiã omnino non recipi. Si tamē pœnituerint, trāsēūtibus de seculo, viuere non negetur. In Chalce donensi cōcilio, cap. XVI. hoc peccato peccantes excommunicantur. Confitentibus auctoritate episcopi misericordia largitur. In epistola Syricij papae, cap. VI. velatæ & Deo consecratæ, si abiecto proposito sanctitatis, clanculum sacrilega contagione se miscuerint, & illicitis complexibus publicè & liberè filios procreauerint, has nuptias detestabiles à monasteriorum cœtu, & Eccle-

fiarum conuentibus eliminandas esse iudicatum est: quatenus detrusæ ergastulis, tantum facinus continua lamentatione desleant. Vnde verbo domini, & canonica auctoritate in hac sancta synodo præcipimus, vt omnino separentur, & iuramento colligentur, vltèrius sub vno non cohabitare tecto, nec familiari frui colloquio, excepto in Ecclesia, aut in publico, aut rem habere vllam communem, vnde suspicio illecebrosi desiderij, aut scandalum libidinosi facti iustè possit oriri. Si qua etiam inter se diuidèda sint, diuidant, & vterque sua prouideat, & incestuosus sine spe coniugij maneat.

De viduis quæ professam continentiam præuaricatae sunt. Cap. XXXIX.

DE viduis quæ professam continentiam præuaricatae sunt. Sicut bonum est castitatis præmium, ita & maiori obseruantia & præceptione custodiendū est, vt si quæ vidua, quamlibet adhuc in minoribus annis posita, & maturatione ætate à viro relicta, se deuouerint Deo, & veste laicali abiecta, sub testimonio episcopi & Ecclesie religioso habitu apparuerunt: postea verò ad nuptias seculares transferunt, secundum apostolum damnationem habeant: quia fidè castitatis quam Deo vouerunt, irritam facere visi sunt. Tales ergo personæ à Christianorum communione sequestrentur, neque etiam in conuiuio cum Christianis communicent. Nam si adulteræ coniuges reæ sunt, si suis viris obnoxia fuerint, quantò magis viduæ, quæ Dei religiositatem mutauerunt, crimine adulterij notabuntur, si deuotionem quam sponte nec coactæ Deo obtulerunt, libidinosa voluntate corruperint, atque ad secundas nuptias transitum fecerint: Quæ & si violentia irruente ab aliquo oppressæ fuerint, ac postea delectatione libidinis permanènte in coniugio raptori vel violento viro consenserint, damnatione superius dicta teneantur obnoxia. De talibus ait Apostolus: Cùm enim luxuriatæ fuerint, nubere in Christo volunt, habètes damnationem: quia primam fidem irritam fecerunt.

De eadem re. Caput XL.

VT viduæ non sint in deliciis, sed secundum Apostolum, sub potestate episcopi viuant.

*Ex concilio
Carthag.
cap. 104.*

*Ex decre.
Zepherini
pape,
cap. 4.*